

# OMUKWETU

Registered at the General Post Office as a Newspaper

## Velkswa ite lidimbike onghalo yovanhu

*Oshipopiwa shomuwilikingerki*

Mehistoli lehangano leengerki eenkwaevangeli paLuther muSuidwes (Velkswa), osha yela nawa kutya kuye (Velkswa) keshipu okulidimbika onghalo oyo yopaupolitika.

Moshilongo shomahepeko madjuu ovalaule, ongerki itai dulu okulitula poshikololo shonhumba opo tai talele oudjuu woilyo yayo nouhasha noku va udifila ashike. Omunhu keshe oku na oupolitika waye, nge e shi shii ile a fa ehe na elalakano lenwefwemo lasha paupolitika.

Okuya moupolitika otashi ti kutya okulakanena elunduluko monghalo oyo tai pangelwa kuo, nge tashi ningwa pademokrati ile panghedi ya "itapa nyamukulwa apa."

Ohashi ka holoka nee ngaho kutya vamwe tava kala nonyanya ovo vanini nokupangela neenghono vakwao ovo ve li vahapu. Opo ne ongerki i na okukala **ondaka yovafitandaka opo.**

Ovanhu ovo ve lilwe po nove na oufemba mepangelo kave udite oudjuu waavo va nyekwa oufemba nouyuki tuu ou novehe na po sha. Onghe okukondjela ouyuki kashi li nande pondje yeeprograma dongerki, nongaashi inashi kala yo pondje yeeprograma dajesus Omunasaret.

Nge vamwe otava tale Jesus ehe fi omuudifi wopolitika, otashi pilike ashike omadiladilo evangeli, osheshi Jesus oye tuu oo a kondjela ovo vehe na oufemba, ovafininkwa, ava va shundulwa, ovo va ekelwashi naavo tava yehamekwa.

### Eudifo laJesus

Inashi lihalukwa ashike eshi meudifo laJesus tamu hangika unene oipalanyolo ei: EMANGULUKO, OMBILI, OUYUKI NEDI-

## Omudhigininimbo a pumbiwa

Otaku pumbiwa omuntu ngoka e na onkatu yaMatrik nenge Juniolo opo a taambe oshilonga shedhiginino lyoshiketha shuukumwe shiiyenditho ya ELOK petameko lyaApilili.

Ngoka wa adha onkatu ndjoka nou na nale owino wedhigininimbo (Boekhou) oto indilwa u ninge eindilo lyoye kEtonatelongundu lyiiyenditho yongerki, P/sak 2018, Ondangwa, mbala manga Maalitsa inaagu pwa po.



Natu yoololeni okumwena kwopaukatalume nokumwena taku zi mevangeli lyopatalanteni. Onke kashi shi kutiwa aluhe kutya ekuni itali longo, ihe otashi pumbiwa ashike okudhiladhilwa nawa tango ngele iiyimati otayi eta uwanawa shi vule uwinayi, osho omuwilikingerki de Vries a ti.

**MINAFANOPO**, oipalanyolo iwa youpolitika.

Jesus okwa diladila unene ouyadi wOshilongo shaKalunga osho shi na okuuya, mOshilongo omo ouyuki tau ka pangela, mOshilongo omo eehepele ovo va ekelwashi, ovo va lyatelwa pedu, ovaadinwa novalundilwa tava ka pewa onhele.

Ngeenge odoshili kutya oukwashilongo wounyuni ou, oshikungifa shongaho noku u yelekanifa nOshilongo shaKalunga osho tashi uya, eshi shi na hano okuyela fimbo tu li mounyuni ou.

Odoshili yo kutya Jesus ine tu ningila nande eshikulafano limwe lopaupolitika, nohandi shi diladila, kutya osha dja ashike moyadi wounongo waye, eshi e shi shii kutya onghalo youpolitika mounyuni ou oshinima shihe na nawa oukolele. Ndelene evangeli laJesus otali kumike tu longife oupolitika ou. **UNENE TUU**, otali kumike ovakriste vaha hafele onghalo ei nde va kondjele ewapaleko muwo.

Noshitonale inaku kala oukolele mwaasho sha etwa po komunhu, onghe hashi tu kumwifa eshi epangelo laVorster hali ti kutya lo oli na ondjila yokumana po omikundu mokati komihoko dihapu (idale oplossing), moshilongo eshi. Osho tashi tula ongerki monghendabala yokuya meenghundafana nepangelo osho.

Komukalo ou, ombilive ya yeuluka oyo ya shangelwe kOngerki oi na okuudika ko komukalo ou kutya oya li tai shivi epangelo la S.A. li ye meenghundafana, eenghundafana odo da talika koiwana yaSuidwes aische, Ovalaule nOvatilyane kutya odo ashike tadi eta elao kwaaveshe.

**VELKSWA** ke lile po ashike oiwana yovalaulaule moshilongo eshi, nde okwe litula mo okukonga ombili pokati kaaveshe. Ko kaku na ou te shi twifa omhata kutya oi-

Tala kep. 6



## Aakwatelikomeho mOwambo oya pumbiwa

Omumvogu iigwana yaSuidwes oya lumbu tayi ipula naakwatelikomeho yevi ndika omolwoombinga adhihe, oshilongo nongerki. Mpoka sha vulika opwa kuthwa onkatu yehogololo noyelangeko, ngaashi sha ningwa komwamemengerki mUushimba, sho ya langeke lwotango omuvalelwamo mewiliko lyongerki ayihe.

Paupolitika oshinima otashi ende ngaashi sha landulwa nomadhiladhilo kwayehe, ihe ngiika mOwambo osha yaga kegonga, ngashi shi iholola moonkambadhala odhindji miilonga oyindji yoshilongo, nkene tapu longekidhilwa ehogololo lyaaleli yoshilongo, ando nuumvo.

Nonando kombinga yongerki yOwambokavango oku na omupopyo omushona nenge inaku uvika sha nokuli, kutya oku na ehogolo'o lyomumbisofi omutiyaali nuumvo mpaka, onkene ngaa oshinima kashi shi nando epulo eshona mongerki.

Oolye nalye taa ka lukwa pu monike pokati kawo omumbisofi, omolwashike ta pumbiwa, openi ta kuthwa osho noshu, omapulo ngaka oga li ge na okumona eyamukulo manga Oshigongingerki inaashi thikana, shoka tashi tengenekelwa petameko lyajuli nuumvo.

Olye ihe ta gandja omayamukulo agehe ngoka taga pumbiwa kaantu, opo ya thike moshinima ye shi shoka taa ningi? Kashi shi shili oshipu nando okugandja omayamukulo giinima iinene yi thike mpaka kwaayehe mboka ye na omaipulo muyo. Unene tuu omukalo gwokwaadha aantu.

Ando ku kuthwe nando oshihauto shi matuke koombinga adhihe dhOwambo noKavango, ihe shono otashi ku fala mbala muupyakadhi weekonomi ndyoka oshinima shotango hashi kwata iilonga iinene moshipala. Ihe okwa fa kaku na eipipilo aantu ya kale inaaya falwa mo mokudhiladhila omumbisofi omutiyaali mpaka. Onke oondjila dhombiliha odhi na wo okulongithwa nando itadhi ka mana po ompumbwe ayihe.

Iigongi miitayingerki ayihe ando ine oyo wo yi shi okulonga oshindji okwaadha aakriste mboka ye na okupewa uyelele momukalo nomomautho gehogololo. Sho shi kale wo sha yela ngele ompumbwe oyi li po okuhogolola omumbisofi nenge okugwedhela oonkondo komupehawilikingerki. (Shika otatu ke shi popya natango komeho).

Epulo shila oli li ashike ishewe mpoka kutya, iigongi yopaitayingerki oyi li tuu meni lyOshigongingerki, nenge oya adhika ya fanekelwa kombanda yasho? Etsikilo kep .....7

## “Ehupitho” Iya kundathanenwa moshilongo shaapagani

Oshilonga shehupitho noshemanguluko lyomuntu olutu lwe nomwenyo, osha kala oshikundathanenwa oshinene shoongerki adhihe muuyuni pokati kaDesemba najanuali moshilongo shiimenka Thailand, Asia.

Aakriste 326 ya za miilonga 69 koombinga adhihe dhuuyuni, oya gongala muBangkok omasiku 16, olutiheyali okuza uuna sha li sha gongala tangotango 1910 nokukundathana oshipalanyolo osho tuu shoka.

Moshigongi shika moka omumbisofi gwoongerki ya Elok, dr. L.Auala kwa li wo a kala, omwa zi ombilive ya tuminwa koongerki

moshigongi tse mboka twa zile kuAfrika, kuAmerika, kuAsia nokuEuropa.

### linima itatu ye tu yelee

“Mokutsakanena kwetu otwa yelee kiinima itatu.”

1. Nopwaa na etetulo lyasha momaludhiko guuteologi nenge eshonopeko lyago, osho tu yelee kutya omoluupersona wajesus Kristus amuke mboka u na omwenyo sho twa vulu okutsakanena. Shika otashi koleke kutya kape na we edhina lilwe lya pewa aantu moka tatu vulu okuhupithilwa mo. Molwoshilonga shaMbepo Omuyapuki, otwa dhimbulula shimwe kutya oonkondo dheupitho omolwomushigakano gwe, odhi li meyumuko lye ngaashi lye shi holola.

“Omolwashika, otatu mu hiya mu galukile kuye. Nonando tu kale momalimbililo nomokati komapulo getu ga kitakana, Kalunga okwe tu pa ehupitho lye ndyoka li li noli shi oku uvika ko, omushunduli omukumithi gwiiningwanima yomuuyuni wetu, ehupitho ndyoka lya holoka melunduluko lya-shili aantu aakiintu naalumentu sho ye ya kuKalunga.

“Otwe shi koneke wo kutya muukwashili wuuntu auhe, Kalunga okwa hala okumangulula kukehe shono tashi tula omuntu muupika. Kristus sho a taamba uunkundi auhe momushigakano, okwa pewa oonkondo adhihe, sigo ehulilo uuna te ya a holole esindano lye lya hugunina. Tse otu mu lwete omusindani miilonga ethimbo kehe aalumentu naakiintu sho taa taamba oshinakugwanithwa she taa thiki memanguluko lyashili ongaana yaKalunga.

2. “Metsakaneno lyetu naKalunga oshipala noshipala ongomupanguli wo gwetu, otwa dhimbulula sha yela nawa shono te tu pula nombogo ndjono yi li pokati kaashono twi itaala nohatu shi ningi. Omolwehupitho lyomujesus Kristus lyu uvanekelwa ayehe, noli li emanguluko lyeyadhimo kaana yaKalunga, tse otatu igandja uuntu wetu auhe kekondjo tali kondjitha kehe shono tashi thindi omuntu gwongashingeyi pevi. Haulunde ashike mboka u li mo ihe naashono shi li monkalathano.

“lipundukithi yi li muukwaludhi, monkalathano yaa na uuyuki, momahupilo nomuropolitika. lilonga yohoni tayi zi miita yaVietnam

Tala kep. 3



Pethimbo lyohungi onene yoshigongi, omwiilongi muuteologi okwa ulike omukalo gwawo okwiimbitha oongalo ngashi dhi li kiikaha yawo.

adhihe muuyuni ndjoka tayi landula mpaka:

“Oshigongi shika osho tu pe oyendji yomutse euvoko lyomuule lyoshitya “uukumwe” pamwe shi vule nokuli iigongi yilwe ya piti. Atuhe otwa vulu notwa tseya nkene tatu holola omaudhigu getu netegameno lyetu memanguluko nomeinekelathano lyuukumwe washili.

“Otwa koneke wo oonkondo dheshitululo dhi li mevangeli ngele tali leshwa pamwe nonge kehe gumwe nenge ongundu kehe tayi vulu okuhokolola shoka tayi shi pulwa momudhingoloko gwayo yene. Okugongala pamwe itashi ningwa ashike nohapu, ihe nomegalikano wo, momaimbilo nomuunongo wokoonyala nomwaashihe shono Kalunga e tu ningila shaa mpoka tu li po nonkene tu li po. Shika osho she tu yambapaleke mpaka

Omukiintu Omutailanda pethimbo lyomai-nyengo guudhano pamukalo gwoshigwana shaandjawa.



# MuKalunga omuntu oto kanitha ashike, ito likola

Osoondaha yaSeptuagesima

"Petrus okwa ti, tse otwa thigi ko ii-nima ayihe notwe ku landula, otatu mono shike? Jesus okwa ti kuyo: Me-valululo ndyoka Omuna gwOmuntu sho ta ka kootumba koshipundi shepangelo...." Mat. 19:27-30.

Mepulo omu na okanima ka nika uuntsa weisimanekelo lyegwanitho lyaashoka tashi pulwa. "Tse otwa thigi ko ayihe ....." ov.27. Opo pwa adhika pwa ziwa moonkundathana dhomulumentu omuyamba a lombwelwa kuJesus a ka gandje iinima ye koohepele ye a landule Jesus memanguluko, omulumentu e ta nyengwa shili.

Aalongwa nando ya adhika ya haluthwa koshinima shoka nokokupopya kwaJesus sho e ya lombwele nkene shi na uudhigu omuyamba a ye moshilongo shaKalunga, epulo olya holoka molupe lwi ikutha ongunga, "otwa thigi po ayihe..."

Jesus otu ukilile mepulo lyo lyene moka ta holola oondunge ndhika kutya oshiponga shehupitho itashi zi ashike mokwaaitaala nenge meiyukipalitho, ihe nomeitaalo wo lyo lyene. Ote ya lombwele:

Aatango otaa ningi aahugunini, naahugunini taa ningi aatango. Ov. 30 Aalongwa nenge omwiitaali kehe ngoka a li a thigi po iinima ye ayihe omolwaJesus nomolwehupitho, okwa thikamena elambo ndika a mbolokotele mo ngele ita tonata.

Ihe Jesus ota zimine naanaa kutya ngoka a thigi po ayihe omolwe, ina kanitha sha. Opo tu kale twa likola sha shomoshilongo shaKalunga, otwa li tu na okutetekelwa kekanitho. Tala eyele ekwawo lyaJesus lyoumuhalithi Mat. 13:45-46.

Ekanitho lyotango otali uvika moompumbwe dhesiku kehe; omagumbo getu, omazimo getu, aana yetu naakulukadhi yetu. Ndika olya etameko lyondjila yokomwenyo, ihe ha ehulilo lyayo.

Omwenyo otatu ke gu pewa tagu ziilile mekanitho lyoumwenyo gwtango, ngoka twe gu yamba muudhigu nomuuwehame manga tu li kevi.

Omwiitaali nenge ongerki oye omukwashilongo gwiilongo iyali, oshilongo shi lwetike naashono kaashi lwetike. Mekondjo lye nuudhigu waampaka okwa yelutha omehe taga ligamene muuyuni tau ya nota mono shono she mu pungulilwa, nomeho geitaalo.

Osho shika Jesus ote shi yamukula kepulo kutya, oto ke yi mona ko muuyuni tau ya nongashingeyi wo ou yi na Lu. 18:30. Aana yaKalunga oyu uvite egwano nomoluhepo nenge moothina dhawo mpaka, oshoka oye na shono shaa lwetike kuyalwe. Ihe aana yuuyuni otaa hakana noitaa kuta, oshoka kaye na eliko muuyuni kaau lwetike, notaa dhimbulula ekanitho nuupu shi vule elikolo.

MuJesus kape na ano shono to kanithile mo, eliko nenge omwenyo, oshoka oye e li ompungulo ihaa yi-yiwa koothithi nookoo-shushi nomufuthi ka vulu oku yi teyagula po.

Sebulon Ekandjo



Omuwiliki omupe gwokangundu koshilonga shevangeli muuyuni no-shetumo (CWME) kolumoho, Dr. Emilio Castro, ta popi nomusitangongalo Herb Daughtry gwaAmerika kolulyo nameme Akiko gwaJapan pokati.

## Ehupitho lya kundathana

nwa

Dha za kep. 2

nenge mokutilahi ombinzi yoongundu dhaakondjelimanguluko, meshundulo lyeputuko lyuuntu pailongo nomembandameko tali kondjitha onakuyiwa yuuntu. Ayihe mbika otayi thiminike aakriste ya holole niilonga mbalambala ehupitho lyoumJesus Kristus.

"Lyo evuliko ndika tali pumbiwa koonkondo dhemanguluko lyaKristus, moonkondo dheitaalo nodhomwenyo oli na okwendela pamwe nendjandjukununo lyonkalo moka eitaalo tali gwanithilwa. Eningo lyaantu nayi kehe sha kwatelela mo ekundathano lyongerki noshilongo, moshitopolwa shoka oli na okumonika nawa noli na okuhololwa lya yela.

"Omushigakano gwaKristus moka ohole ye ya hulile muululu, otagu tu thiminike tu zimine nkene olwindji twa hulile ondjalakati, notage tu thiminike tu ende nenyanyu nonando ondjila tatu ende nayo otayi tu fala meiyambo.

"Omushigakano otagu tu undula tu pope uunzapo notu ye moonkundathana naayene mboka ye holike wo kuKalunga nonando ya kale yomaitaalo gi ili nenge limwe. Oshoka nando pu kale omayooloko, mukwetu kee na okutalika omutondi, ihe omumwatate muKristus moka Kalunga a hala oku tu yambapaleka.

3."Owino mboka twe u mona metsakane no muBangkok otau tu thiminike tu tsikile nokukonakona omutungilo gwokukalamwenyo kwaayehe, noshu tashi yambapaleke okukalamwenyo kwetu. Osha yela nawa kutya otu na okumona oondjila oompe tadhiti tu manglele kumwe okulonga oshilongatamo miitopolwa ayihe ihamano yuuyuni mbyoka ya topagulwa, opo kehe gumwe a hambate oshinakugwanithwa she nokudhiginine uu-kwatya we.

"Moshinima shika otu li petamekolela. Ashike otwa dhimbulula ngaa ekoko lyiyimati yimwe yeuvaneko mondjila yetu mbyoka tayi tu hiya atuheni tu dhiladhileni omafano ge na oshilonga, opo tu adheni ekwathathano lya kola nolya simana.

"Mbika ayihe otwe yi nyola metegameno enene. Meifupipiko ndyoka mulyo twa thiminikilwa mo kokwaanonkondo dhasha, otwi ilongela mo wo kutya, ohapu yaKalunga inayi mangwa nando, ihe otayi egulula omi-

yelo dha mbwalangandja dhehupitho."\*

Ompito oya li ya longekidhilwa wo oshigongi shika shi kundathane naailongi yomaitaalo gomoshilongo shoka ngaashi eitaalo lyaBudha. Osha li sha longekidhwa koshikondo shetumo nosheuvitho lyevangeli shomehangano lyongerki adhihe muuyuni (WCC).



Omulongi gwasikola yuuteologi kOjtjimbingwe, Rev. Kristof Shuuja, okwa galukile nuumvo kOwambo pamwe negumbo lye opo a ka tameke osikola yoombolo naathitandaka kEngela. Rev. Absalomo Hasheela oye a ka longa kOjtjimbingwe peha lye.

## OLYE E KU LENGE?

Kaku na ngoka ta longo oshilonga sha simana ye inaa longwa sha, nenge ye inaa pewa epitikilo noonkondo dheziminino oku shi longwa.

Ngele okwa pewa oonkondo komukwanii-lwa, kelenga enene kumwene gwomukunda kEpangelongerki, kelelogongalo, komusita nenge kekelongundu li lile po oshilonga shoka opo ta vulu okulonga nawa. Ngele hasho nena ota tamanekwa.

Aantu oya hala okutseya, olye e mu longo? Olye e mu tula po? Ota piyaganeke oshilonga shoka, nando pamwe otashi ende ngaa nawa. Otu na mokati ketu aayakuli ya tya ngaaka taa yakula momikunda nomomangongalo.

Aantu mbaka oya pewa iilukadhina: Oo-kapatashu, ookakayiwa. Osha zi mpoka ashike sho ya talika inaa longwa sha, oyi iholele komeho. Omukalo nguka ogwo gwa pangele maasaseli aakuluntu sho ya tameke okupula Jesus:

Okoonkondo dhini ho longo mbika, nolye e ku pe epangelo ndika? Mat.21:23 Omeho gawo oga li ga tsikithwa komutondi kaya dhimbulule kutya Jesus ota longo moongamba dhoonkondo ndhoka a pewa kuHe. Oshiiikwiila sha kuluka megulu shi pe uuyuni omwenyo. Joh. 6:57-58. Mongundu ndjika omo wo ngoye omuyakuli kehe u li.

Omapulo getu ogeni numvo sho tatu ka holoka nokuthikama piyelo yoombelewa dhiilonga, piinyangagongalo, poosikola, piyelo yoopoosa, piipangelo nopookefe nenge opomapola nopoosasiona tu faalelwe komashina, komakambamba nokiihauto moopate?

Moompumbwe ndhika otatu ka yakulwa kwaamboka kaatu ya shi nokumboka tu ya shi nawa mpoka ya valelwa. Kuyo otatu ka popya nglini nenge otu na omapulo geni?

Omuyapostoli Paulus ta ti: Tu shitukeni kepepalo lyomadhiladhilo getu," opo tu holoke kaayakuli yetu meifupipiko. Kalunga okwe ya tula po ya longe koonkondo dhe, ngele taa yakula panyama nashi kale oshinima shawo nomwiithani gwawo moshilonga.

Omukwiita omukweni mekondjo.

Vilho Ph. Shikulo



## IIGONGI YIMWE

Aawilikingerki yoongerki dhomuumbugantu waAfrika, otaa ka gongala moshigongi shawo shomumvo shaFelksa muJohannesburg eti 6-9.2.1973. Oshigongi shika oshehangano lyoongerki oonkwaluther dhomuumbugantu waAfrika (FELKSA).

Oongerki yetu moshigongi shika oya li yi lilwepo komumbisofi dr. L. Auala, na amushanga gwe Petrus Shipena, omukuluntutuma Väino Simojoki nomutonatelishitayingerki shaKavango, Natanael Sirongo.

Oshigongi oshikwawo oshi li mOvenduka eti 11-13. Febuluuli. Oshigongi shika oshehangano lyoongerki oonkwaluther mbali dhaavalelwamo muSuidwes (VELKSWA) moka tamu kala aawiliki yehangano niilyo yimwe medhina lyuukomisi wehangano ndika.

Velksa oku na uungundu utano mboka tau tonatele iilonga tayi landula mpaka:

- Okangundu kuuteologi nokelongo
- Okangundu koshilongatumo nevangeli
- Okangundu kososiale nuudiakoni mongerki
- Okangundu keputudho lyopakriste
- nOkangundu kiinyolwa yopakriste

Uungundu mbuka otatu adhika mukehe ongerki yaandhoka dha hangana.

*Omutaleli gwoosikola omusamane H. D. Namuhuja, numvo ina tsikila noshilonga she, okwa langekwa moshilonga shokutunga elaka lyOshiwambo. Tate Namuhuja ota longo oshilonga shika mekwatathano wo nombelewa onene yelaka kOvenduka. Ota longele mOndangwa.*

*Efano enene pevi otali ulike oshilonga shuunamiti muuzilo waAfrika. mOndhila yeyakulo moshilonga shika muSudan, omumvu okwa lala kombete manga omupangi kolumoho e mu kuutumbila a ukata natango okanona taka ehama. Omuhingi gwondhila ote ya tala ngele oye li nawa.*



Omusamane H. D. Namuhuja



Omuyevangeliste Jonatan Shilimela, Omundangilo okwa kala moshihakulilo shavo efimbo lile, nde ke udifa onya unene.

## OMUNDOHOTOLA A HOLOKA

Omhumbwe yongerki nodjuulufi yokuteelela omutumwa mupe omundohotola Ritva Kalliokoski oya nyamukulwa omafiku aa eshi a fika mOnandjokwe okudja kuSoomi. Nande oivelo okwa li ngoo ya patekena kanini, ou ha dulu okuyeulula oshivelo keshe, Ohamba yomeulu oye va yeulula nove li paife mokati ketu. Omundohotola meekulu nomulumenhu waye Seppo ou a pumbiwa nomediinino leumbo laNandjokwe nou-nona wavo uvali, ove li nawa notava kala manga kOngwediva tava pwiliki-ne nhumbi Ovawambo hava popi.

## EPUKULULO INALI YELA NAWA!

"Omukwetu" gwaKotoba onomola 20 epandja lyahugunina, omumvo 1972, omu na epukululo "Omadina na kongululwe apa a kanena." Omusimanekwa M. Shatipamba ota pukulula oshigwana kombinga yondilo yomadhina gOshiwambo. Epukululo ndika oli shi kudhiladhilwa nokupulakenwa, ihe omusimanekwa Shatipamba ine li eta lya yela nawa. Ye mwene a fa inaa yoolola ofani naChristian-name- edhina lyuushashwa. Mokunyola a fa a kwatele iinima mbika iyali mumwe, onkee otashi nyengana okuuvako kutya shoka sha kanithitha omadhina gOshiwambo okushasha kwopakriste nenge omukalo gwokulongitha ofani. Niiholelwa Paulus Nangolo naJohannes Nangolo omunyoli a fa a hala tu longithe omadhina gootate twaa longithe we ofani.

Oshitya shOshingilisa noshOshimbulu itashi kwathele omuntu okuuvako mbala ofani shoka tayi ti. Shila oto ontamene membo lyilya. Ofani melaka lyOshisveden nolyOshisoomi oyo 'släktnamn' na 'sukunimi'. Iitya mbika otayi gandja puuyeleele kutya ofani edhina lyokuukweni. Ofani ngele otayi ti edhina lyokuukweni nenge lyegumbo (family) nena muyo inamu kanena edhina lyOshiwambo. Omukalo nguka sho gwa holoka aantu oyendji oya tameke okwiithanwa nomadhina gOshiwambolela. Elia itaku ti we lyaFrans, ihe Niinkoti. Urho itaku ti wa we lyaElia, ihe Urho Niinkoti. Oofani sho dha tameke okulongithwa mepipi lyetu otwa kutha omadhina goohe yootate gOshiwambolela. Mpoka to adha omuntu ta ithanwa nedhina lyoshiEuropa, ota longitha edhina lyahemokriste nenge lyahekulu omukriste.

Omukalo gwofani omukalo omwaanawa kagu shi kukandulwa po. Ne gandje oshiholelwa. Otwa valelwe aalumentu yahetatu naankiintu yaali. Nandi tye nduno aalumentu atuhe mbono twi ihanene Owambo mokutunga omagumbo getu, ihe atuhe otatu ithanwa ngaa naNiinkoti. Oyana yetu mboka taa ithanwa nahukulululwa Niinkoti, oye na uupu lela okwiikutha mo mbala sho taa tsakanene moosikola nenge mokweendaenda. Dhiladhila nduno ooNiinkotigona yolualo lwepipi ndi tye nando etihayali nena oye na uupu okulandula ondjokonona yuukwawo sigo opuNiinkoti ylinane yaShaanngulula. Omukalo gwofani ogwa za ko.



*Kanona, ongoye lye? Ongaye Tuyoleni Oya lye? Oya tate Shilyomuntu. Ehee!*

Eshasho lyopakriste petameko olya yanda omadhina gOshigwana e taku longithwa omadhina gOshiheberi, Oshilatina nogoshi-Europa. Etompelo kutya omolwashike aatumwa ya ningi ngaaka kandi li na. Nakambale ando opo a li ando ota pulwa, ihe sha umbwa sha piti. Tala onda longitha oshityalonga okuyanda, oshoka omadhina gOshiwambo opo ge li inaga kana. ElaKa lyOshiwambo inali kanithwa nande kaatumwa, nenge kuukriste sho we ya. Otu li na sigo onena naatumwa oye li kokitha li opalele ehumokomeho. Okuluka edhina

okwa fa ashike etoto lyoshiteyo. Dhiladhila omadhina Kaudinge, Tulipohamba, Kaunapawa, Nauyele noshu tuu opo ge li inaga kana. Okutala lwanima uule woomvula omilongo ndatu nenge dhi vule po, omadhina gOshiwambo oga shashwa mongerki nokuli. Tashi ti ngashingeyi oshinima oshi li miikaha yaavali. Ngele ota dhiladhilile omwana edhina ekwiilongo naye shi ninge nemanguluko, ngele olyOshiwambo oshu tuu.

Pehuliilo nandi tye ondi uvite okazimba. Ombepo yuunasionalisme mutse ya fa tayi ipala. Inatu yameni uunasionalisme wopaMbulu mbu tau tondola ashihe shaa shi shopaMbulu nomuntu gwoludhi lwi ili ota undulwa mo mongundu yawo. Ngele onga-wo otatu kaleni muuyuni twa fa oongolo noompugulu noomenye mokashana. Tu kotokeleni wo African nationalism mbu tau hala kutya ashihe shopaEuropa, veki. Wetu nau kale wopantu. Ndi tye **human nationalism**. Oshitya human otashi ti namwenyomwaanawa. Tu tyeni, mukwetu omushiinda shandje. Uushiinda wa tya ngawo otau zi eyambekathano.

*Elia Niinkoti*

### Otandi mu pandula aapangi

Ongame otandi pandula tate Kalunga sho a aludha olutu lwandje lwa li lwa dhengwa nayi kondhalate. Otandi mu pandula one aapangi mu li mEunda Klieniek. Dhiginineni onkalo yeni ombwanawa. Kalunga oye ne mu wilike.

Kune ookuume kandje oombillive dheni ombwanawa onde dhi mono natate Kalunga oye ne mu kolekele olukeno lweni. Ngashingeyi ondi li nawa. *Ismael Nekwaya*



Omulongi mosikola yuuteologi Rudolf Wessler, muPaulinum, Otyimbingwe okwa hulitha po ethimbo lyiilonga ye muSuidwes nokushuna thilu kuNdowilanda pehulilo lyomumvo gwa zi ko. Omusamane Wessler okwa longo ethimbo ele mongerki ya ELK. Okwa nyola uumbo owindji kombinga yopasosiale nopaekonomi. Mii-longa yaagundjuka, unene ekwatathano lyaalumentu aavalelwamo okwa li i itula mo noonkondo. Pamwe negumbo lye otaa ti kAasuidwes, Hei-hei!

### EMBO LYONGESHEFA, EANGELOK.

Ehanganotumo lyaanangeshefa aaELOK, moshigongi shalyo sheti 2/12/72, sha li sha gongala mOshakati, oya holola po Embo lyongeshefa, EANGELOK. Embo ndika oye li kundathanene moshigongi sheti 22/9/72, moka ya li ya tokola okufaneka embo ndyoka tali vulu okulongithwa medhiginino lyiiniwe yongeshefa.

Embo olya tungwa nomukalo omupu mokulongithwa, no itali etele omunangeshefa uudhigu, ihe otali mu kwatha ashike okutonatela ongeshefa ye ngele otayi humu ko tuu nenge oyu uka meshunduko.

Embo oli na iimpungu iyali (shoshiketha noshombaanga), niimpungu iikwawo yiilonga yomongeshefa, yi li 9, moka mu na wo oshimpungu shokuholola iihohela ye ya mongeshefa; nkoka omunangeshefa ta talele eshunduko nenge eyambukopo lyongeshefa ye.

Embo oli li pamwe nepeko lyokusiihilila oombapila dhomalanditho niifutwa yositola, notali pula R4-50 kumwe nepeko lyalyo. - Omunangeshefa kehe ngoka a hala oku li ilandela, ne li konge pOmunangeshefa **Silas Kwejo, Olu-no; Henok David, Endola, Onankulo; Kleopas Dumeni, Oshakati nopOmbelewangerki, Oniipa.**

Efatululo nkene tali longithwa, nali pulwe wo pomahala ngoka.

*M. Ngipandulua*

# Velkswa ite lidimbike.

Da dja kep. 1

longa yombili yongerki, oyo ya imba omalipumo mumwe omihoko.

Ngeno hamolwoshinima eshi, eshi oshibofa shokondraka yOvawambo sha enda meenghono dondjovo yombili, ngeno opwa ningwa sha shi lili shi dulife po komukalo ou sha enda. Ngeno moyuudifilo yetu inamu udfiwa efiku keshe ohole yomutondi woye nokupangula oilonga youkolokoshi, ngeno ito hange mo ombili nengungumano momapandavanda eedolopa detu omo.

Edi odoshili kutya Ondjovo yevangeli oyo ye tu pa fye ovalaule eenghono nomukumo tu teeleele onakwiiwa ya wapala nonande hatu piyanekwa komashundulwo nokodino eshi twa dinwa. Ehongo lokuteelelela oiteelelwa ola ninga mufye omukangha wa kola tu wilike omaongalo etu nondjila yeenghundafana dombili. Hano evangeli ashike leteelelo tali tu kelele notali tu imbi tuha yehameke vakwetu.

## Outerolis owa dja mokuheshiisha.

Fye ava tu shii ouyehame womafininiko ohonde tai tika moitembukilwalongo (koloniale) kovatilyane, inatu lilongikida natanngo tu kufe omauta. Eshi tu dje hatu ifanwa nena kutya fye eeteroli novakomunisi kovatilyane, osha dja ashike mokuheshiisha kwavo.

Omolwaasho Velkswa a tala kutya exupifo letu oli li ashike opo nge hatu lihongafana kumwe ovalaule novatilyane. Nelihongafano eli kali li ashike opo eshi hatu kalafana moivilo yomalongelokalunga etu, ongoavaenda va fimana, ndelene okuhanga eshiivo lipe lomonghalafano i na

omufika u fike pamwe.

Hangerki oyo i ningwe olupale lomadi-ladilo etu nande. Natu shiivafaneni moku-kalamwenyo kwefiku keshe. Sho vali haku-lihongafana moufimbo vonhumba omo hatu fininikwa komhepo yopefimbo olo tu kale omutumba pamwe noipala ya nyika ouyuki.

Eshi nde shi koneka koilumbu yomoshilongo eshi osho eshi kutya tete ova haluka eshi va koneka omulaule kutya ota dulu okutunga oshipopiwa shaye shi li meshikulafano. Okwa li ve tu shi omalai, noumbada ou ve kwete paife omolwonakwiiwa yavo, owa dja ashike mokuhe tu shiiva kwavo, oko va kala nako efimbo alishe tuu olo, mokati ketu.

Onde shi tumbula nale kutya omunhu keshe oku na sha muye shoupolitika.

Eshi nandi shi yelifa natango ngaha nawa: Oupolitika womunhu e li pokati ina hala kumonika apa a ama, meenghundafana domafininiko nodonyanya youpwidi, osho etimba naanaa ngaashi etimba ledipao.

Okukala pokati ino ama ombinga yonhumba luhapu oshi na sha nouhasa, sho eshi osho nee okupitilila mukweni mondjila yomahepeko. Umwe okwa popile ta ti: Ongerki oya ningwa oshihauto shokuhumbata ovo va mona oiponga (ambulans) ile va fya nale nokuli.

Vo vamwe tava ti vali: Oupolitika kau na sha neudifo levangeli. Ame onda hala oku shi tumbula ngaha: Ouhamba waKalunga ou na okuuya mounyuni ongonhafi, ounyuni woupolitika u udfilwe ehalo laKalunga. Evangeli ihali udfilwa momhepo, ndelene omonghalo yonhumba oyo tai pangele.



Pethimbo ndika oyendji otaa pitililwa po moondjila ya dhengwa nayi konkalathano, oshoka egeelo opo li li wo kungoka to ya kwatha.

Eengerki yo dovatilyane otadi dulu okuninga shihapu meudifo levangeli. Eengerki yo odo di li oilyo yepangelo nado yo oda ifanenwa di udfife evangeli loshili momatwi aavo tava fininikwa. Elikufemo lado olo exule po lofafininikwa. Onghe oshinima eshi otwa hala di shi diladile pamwe nafye nelitulemo.

Tala kep. 7

## KOVAPASHUKILISHITAI-NGERKI, KOOVENE MOMAPYATUMO NOKOMAONGALO MU ELOK.

MONGwediva otamu ningwa, Kalunga ngeenge e shi hala, oshoongalele shokulihonga oshilongatumo. Moshooongalele eshi otamu tambulwa:

1.) Ovo ve li nokuli momapyatumo ndelene inava mona omhito yokulongwa fiyo onena.

2) Nosho yo tamu tambulwa ovo vape va hala koshilongatumo, ngeenge ve na epopilo lomupashukilishitaingerki nombapila yeongalo.

3) Noovene vomapyatumo tava dulu yo okutuma ovo va longwa nale ngeenge ve na efimbo nehalo okulongwa sha.

Moshooongalele eshi tamu longwa oileshwa oyo tai pumbiwa moshilongatumo mounyuni wetu wonena. Oshoongalele sho vene tashi hovele I laMalitsa nde tashi ka kala fiyo 29 laMalitsa 1973.

Omunashoongalele keshe na kale e na R1.00 molwoikulya pefimbo loshoongalele.

Ovo tave ya koshoongalele eshi tava teelelwa va fike kOngwediva I laMalitsa. Hatu hovele noxungi potundi 7.00 mefiku olo.

Toivo Pentikäinen  
Omu yakuli wovanashilonga



Aanashilonga yamwe naayakuli yomongerki yaElok. Pethimbo lyoshigongi shika oshilonga shoshifo shOngerki osha kundathanwa wo kuyo nkene shi na okuthikitha elaka lyasho kaaleshi.

**Mu S. A. otaa ka enda oomaila  
600 ya ka tamaneke ondhalate**

Osheendo shaasitagongalo naakwanegongalo yomoongerki dhi ili nodhi ili osha pulandwa shi ze muGrahamstown sigo kuKaapa oomaila 600 kolupadhi opo ya ka holole nawa nkene kayu uvite ombili omolwiilonga yaaluudhe ihaayi longwa pamwe nomagumbo gawo.

Mokati kongundu ndjika omu na aasitagongalo 8 aatiligane, mbokā taa ende nokinga elongelokalunga molweendo ndoka talu ka pula omasiku 30. Ongerki yaAnglikani, yaMetodisti, noyaKatolika kaRoma o dhi li moshinima shika.

Aawilikingerki taa ende mosheendo shoka oyo: omumbisofi omunene Selby Taylor gwaAnglikani, omumbisofi omunene Denis Hurley, gwaKatolika muDurban, osho wo ooyakwawo yalwe.

Ongerki novalaule aveshe ova koneka oiponga oyo i li melihano leehombo omolwoilonga, notaku indilwa emangulukoko ova-neumbo limwe va kalele aveshe oilonga ngeenge vo vene ve shi djuulukwa.

**Velkswa ite lidimbike.**

*Da dja kep. 6*

**Oukriste kau fi oukatalume**

Okuhalongifa eenghono oshi li popepi lela nevangeli, omolwasho nda itavela kutya okukondjifa elongifo leenghono ngaashi tashi udifwa kuVelkswa, otashi ka etela oiwana ei ombili moshilongo eshi. Ashike ondjila oile notai pula elidiiniko, mondjila omo onhopa i na tete okutungwa, opo ku eh-nwe komesho mokuholafana noutondwe u kandulwe po.

Okuhalongifa eenghono itashi ti kutya okukala omunhu u li moupolitika ku na ombinga yoye, u li pokati, ahowe. Ovakriste nge tava ifanwa ovatungimbili mEtestamendi Lipe, itashi ti kutya ove li ovanhu ovakatalume. Ndelene ovanhu ovo va tumwa moshikungulu oku shi kondjifa nde hanomhepo yekuni opo va dule okweeta po elunduluko newapalo.

Okukondjifa eemhepo dounyuni osho okwiitula mwene omwenyo pokakangwa, omolwaashi Omwene Jesus oonyuni owe mu valela komushiakano eshi eudifo laye la kondjifa omadiladilo oonyuni.

Nandi xulife nomatumbulo aa kutya, Velkswa ina hangana omolwoupolitika ile okushakenifa eendunge daye mwene, ndelene osha dja moshisho shopakriste sha dalwa keewino defimbo lile omo twa koneka omapuniko oukumwe.

Eshi hatu monika paife twa fa ehanganoloupolitika, otashi di ashike movanhu vomhepo ii yomalundilo. Velkswa okwa koneka oshinakuwanifwa shaye mombinga youkriste noyupolitika, nde eshi itashi ti kutya Velkswa oku li ehanganoloupolitika.

Elalakano laVelkswa olo okufingaleka oonyuni noshilongo shaKalunga, opo eyele laJesus olo tali fewa unene okuyeleda apa noupolitika li yele eshi taku tiwa kutya: Okambuto kanini koshilongo shaKalunga oke na okumena pu holoke omuti wa kula omo oiwana aische tai hondama mo.

**EFANEKO LOILONGA YOSHITAINGERKI  
SHAUKWANYAMA 1973**

16-18.2.73  
12-14.4.73  
7-27.5.73

Etalelopo leongalo mOndobe.  
Oshoongalele shovafita mEngela.  
Etalelopo lomoushilo momaongalo aa: Kongo, Omundaungilo, Eenhana, nOnangolo.

15-17.6.73  
18-20.6.73  
20 .6.73  
22-24.6.73  
10-12.8.73  
25. 8.73  
1-2. 9.73  
28-30.9.73  
1- 3.10.73  
4-7.10.73  
5. 10.73  
8-10.10.73  
26-28.10.73  
2-4. 11.73

Etalelepo leongalo Okalongo.  
Etalelepo leongalo Onheleliwa.  
Omaudifo peembelewa pOmungwelume.  
Etalelepo leongalo Ongenga.  
Oshoongalele shovapapuduki mEngela.  
Oshoongalele shovanangeshefa mEngela.  
Oshivilo shetumo (Omisioni)  
Etalelepo leongalo Olupandu.  
Etalelepo leongalo Endola.  
Etalelepo leongalo Ongwediva.  
Oxungi moseminari mOngwediva ipe.  
Etalelepo leongalo Ohalushu.  
Etalelepo leongalo Okatope.  
Etalelepo leongalo Edundja.

Otashi dulika pa holoke omalunduluko meshikulafano eli.  
Ohandi indile omaongalo aa taa talelwapo omafiku ongaho a kendabale ngaa okwoongala nande hamOyoondaha, ngaashi twa ikilila shito.  
Osho yo oyoongalele yovanashilonga tai ka kala ko mefiku etivali letalelopo, otai ka ningwa komatango alushe lwopotundi 3.00 komatango ovahongi veefikola nge va dimbuka.

**F. Shikomba, Omupashukili**

Opulanda oyi li po ngashingeyi ku monike ehumokomeho lyokulongitha oohapu dhaKalunga muuthikepamwe miilongo ando ayihe paradio nenge patelevisio. Osho sha kundathanwa moshigongi oshiti 11 shomahangano agehe gokunyanyangidhitha Oombimbeli 54 gomuyuni, shoka sha gongala muAdis Ababa.

Otaku dhiladhilwa wo ku halithwe Oombimbeli ando oomiliyona 500 omumvo kehe. Omukundu gwaamboka kaa shi natango okulesha ogwi ikundwa wo, nelongelokumwe lyoongerki nomahangano gOombimbeli olya pulwa.



**Ethimbo ndika olyo o-lyokukuna oohapu manganga eteyo inaali thikana.**

KUNENI OMBUTO YOOHAPU, NANDO KU NA OMUTENYA, KUNENI, KUNENI OMBUTO YOOHAPU, NANDO KU NA UUTALALA KUNENI. OMUWA NOTA TEYA IILYA YE, TA PUNGULA MIIGANDHI YE.

**Aawiliki oya pumbiwa.**

*Dha za kep. 2*

Aakwashigongerki otaa zi momagongalo moka ya ningi iigongogongalo yawo. Moka aasitagongalo otaa vulu okugandja wo euvoko moshinima shika ngashi lya pumbiwa. Nenge ayihe mbika omaihepeko gowala kayi na ompumbwe yi dhiladhilwe?

Nonando ku kale omaunyengwi ge thike peni okuya melongekidho ndika, nenge einkelo lya kola okutega shono Ombepo yaKalunga tayi shi gandja maakriste mboka taa dhiladhila onakuyiwa yongerki yawo, ongerki kayi vulu okukutha oshiyaha shomeya nokwiiyoga kiikaha yi kale kaayi na uusama welongekidho ndika. Oshoka noshitonale inashi ningwa nando mongerki ndjika okwiitula mehogololo lyaangoka inaa tseyika noina ludhikilwa omuthika guwilikingerki.

**ENGELA LA TWIKWA  
OMUTENGI MUDJUU  
KUKALUNGA**

Eongalo laNgela Kalunga okwe li tala li na omapepe a kola okuhumbata omaudjuu aa avalu.

Meongalo eli omwa ningwa eyapulo lova-  
yevangeliste eti 26. 11, 1972 ve li 26,  
lo olo fiku omufitaongalo Malakia Hauuanga  
a xulifa oweenda waye. Opo sha piti po  
meongalo eli omwa ningwa natango oshoo-  
ngalele shovahongifikola voshitayingerki sha-  
Ukwanyama eti 5. 1. 1973. Fiku olo olo  
natango eumbo lomufitaongalo Natanael  
Shinana la pya po koluvadi nomwa fila o-  
mutekulu waye.

Natango ovahongifikola ava otwa kala na-  
vo moshivilo sheyapulo lombila yokamati  
aka ngaashi naanaa venya veulle keyapu-  
lo lovaevangeliste twa kala navo pomawe-  
ndo anakufya Malakia.

"Eongalo laNgela Kalunga okwe li tala li  
na omapepe a kola okuhumbata oisho liva-  
li." Osho omupashukilishitaingerki shaU-  
kwanyama Rev. Filippus Shikomba a popya  
melongelokalunga lOsoondaxa yovapaani.


Eendjovo daKalunga tadi ti: Eitavelo ota-  
li yelifwa mokuyelekwa li kale li dule oshi-  
vela sha pya pediko. 1Petr. 1:6-7.

Ev. Filippus Nakanwe

**YAALI YA GWEDHELWA MONGUNDU YAALONGWASITA**

Sho kwa dhimbululwa natango o-  
luhepo lwaasitagongalo mOshitayi-  
ngerki shaNdonga, Epangelo ngerki  
olya gwedhele ishewe aayevangeliste  
yaali, Filippus Uusizi na Petrus Shi-  
vute, ya ka tameke pamwe naaye-  
vangeliste ooyakwawo ya hogolo-  
lwa nale okulongekidhilwa uusita-  
gongalo.

Elongekidho ndika tali ka tameka  
muFebuluali mEngela, olya dhi-  
mbululwa wo kEpangelongerki ku-  
tya kali shi okukala omumvo gu-  
mwe aguke, onke lya uthilwa omi-  
mvo mbali. Ombinga yotango nelo-  
ngekidho ndika otali ka kala  
lyuuteolohi wo wene nombinga ya-  
hugunina oyeindheulo. Ayehe ku-  
mwe otaa kala pamwe 14.



Osha li sha ningi ondjigilile kutya o-  
mumvo kehe pethimbo ngaandika, ko-  
wambo iipana yoohi otayi sheketa ko-  
mituni dhomilonga, oohi tadhi kangwa.  
Nuumvo oshi ili lela. Uukukutu nenota  
nuupyu woshimati lela otawu pangele  
konyala Owambo ayihe. Omagalikano  
otaga pumbiwa Kalunga a tale noluk-  
keno eshito lye.



**OMUKWETU**

Oshifo shOngerki onkwaevangeli paLuther  
yomOwambokavango  
Die Nuusblad van die Evangeliese Lutherse  
Owambokavangokerk  
Ohashi nyanyangidhwa mOniipa,  
Omukuluntu gwoshifo/Hoofredakteur omu-  
mbisofi Dr. Leonard Auala,  
Amushanga/redakteur Rev. Sebulon Ekandjo  
Ondando yoshifo komumvo muSuidwes-Afrika  
R1.00, kombanda yomafuta R2.00  
Oondando nomambestelo naga tumwe kOmu-  
kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule  
woondeimi 1 otashi futwa R1.00  
oondeimi 2 otashi futwa R1.90  
oondeimi 3 otashi futwa R2.70  
oondeimi 4 otashi futwa R3.40  
oondeimi 5 otashi futwa R5.00  
Oto vulu okutuma wo efano lyaashono wa hala  
shi tseyithwe.

Owambokavango Church Press  
P/B 2013 Ondangwa, S. W. A.

**Omambo geni ge ya**

Amuhe mboka mwa li mwa kala mokursus yokulonga okulesha  
pehulilo lyomumvo gwa zi ko pOniipa, nomwa li mwa pe ndje  
oshimpwiyu shoku mu mbesitelela omambo geni gokulonga, nga-  
shingeyi ga thiki ihe mpaka pOniipa.

Ileni ano mu taambe omambo ngaka, opo mu ka tsikile noshi-  
longa sheni shokukwatha oshigwana sheni. Oge li mOshikwanyama  
nomOshindonga, tango ongundu yopevilela. Ngele tamu holoka  
mpaka pOniipa, natu monathaneni tango.

Gweni,  
Petrus Shipena,  
Oniipa